

KNR PILLUGU PAASISSUTISSAT

Allattut

Hans Peter Poulsen, Siulersuisunut siulittaasoq

Ivalo Egede, Pisortaaneq



SOOQ KNR ANINGAASASSAALEQIVA?

KNR-mi aningaasat atugassarititaasut ukiut ingerlanerini ikiliartuinnarsimapput. KNR-ip aningaasaqarneranut sunniuteqartut tassaapput:

- KNR-imut aningaasaliissutit Namminersorlutik Oqartussat qitiusumik allaffeqarfiani **sipaarniutinit** (missingersuutitigut annikilliliissutinit) **ingerlaavartumik** sunnigaasarput.
- KNR-imut aningaasaliissutit **tamakkiisumik akinut malinnaasinneqarsimangillat**, akissarsiallu aningaasaliissutinit qaffakkiartornerummata aningaasaliissutit ukiut ingerlanerini ikiliartorsimallutik.
- KNR-imut aningaasaliissutit 2011-mi 2012-imilu 1.450.000 kr.-inik ilaneqarput, aningaasalli taakku **kontributionimut** (tv-mik digitaliusumik aallakaatitsinermut) atorneqarlutik, suliaasaq analogimik aallakaatitsineq sulii atorallarmat Telemit isumagineqarsimagaluartoq. Aningaasat taakku aallakaatitassiornermut atugassaangillat.
- KNR-ip 2008-mi **utaqqiisaasumik inissianut** 1,8 mio. kr.-it atorpai. Namminersorlutik Oqartussat allaffeqarfiata utaqqiisaasumik inissiat aqunneqarnerat 2009-mi qitiusumut katersorpaa KNR-ilu 2010-mi 1,8 mio. kr.-inik, 2011-mi 2,47 mio. kr.-inik 2012-imilu 1,8 mio. kr.-inik ilanngaaffigineqartussanngortitaalluni. KNR 2008-mi agguagassanit taakunanga inissiat arfineq pingasuinnaat pissarsiarai.
- KNR 2007-imi katiterinermut atortorissaarutinik digitaliusunik pisiortorpoq. Pisiortorneq uninngasuutinit tiguisinnaatitaanerup annertusarneqarneratigut aningaasalersorneqarpoq. KNR ukiut tamaasa naafferaalluni akiliutinut ernianullu katillugit 2 mio. kr.-it akiliutigisarpai, - atortorissaarutinut pisoqalereersimasunut ajorteqqajaasartunullu aningaasartuutit KNR-imut ukioq 2024 ilanngullugu nammakkiisussat.
- KNR 2011-mi 1,9 mio. kr.-inik amigartoorpoq, tamannalu 2012-imut sunniuteqarpoq.

KNR taamaalilluni imarisassanik aallakaatitassiornermut aningaasaatai ikinneerarsuupput.

Aningaasaqarnerput maanna ajalusoortugaarput, piginnittut nalunaarusiamik 'Tusagassiutit nukittuut' malitseqartitsinissaat **utaqqimaarsimagatsigu**.



TUSAGASSIUUTIT NUKITTUUT

Naalakkersuisooqatigiit Inuit Ataqatigiit Demokraatillu **juunip qulingani 2009**-mi isumaqatigiissuteqarput, tassanilu allassimavoq naalakkersuisut 'Tusagassiuutit nukittuut' qulakkeerniaraat.

Naalakkersuisut suleqatigiissitaliorput, taakkulu KNR-ip innuttaasunik kiffartuussilluni suliffeqarfittut suliassaminik naammassinninnissaminut **aningaasanik amerlanerusunik** tunineqarnissaa kaammattuutigaat. Naalakkersuisut kingornatigut nalunaarutigaat tusagassiuneq pillugu politikkipissaq suliarineqartoq.

Suliap ineriartorfiunissaa qulakkeerumallugu KNR-ip kaammattuuteqarneratigut KNR IKINN-ilu qaammammut ataasiarlutik paasissutisseeqatigiiffiusumik ataatsimiittarput.

Siulersuisut nutaat, januaarip aallaqqaataani sulilersut, pingasoriarlutik – siulersuisunut siulittaasoq siulittaasulluunniit tullia aqqutigalugu akiliisinnaassutsimik ajornartorsiuteqarneq **Naalakkersuisunut ilaasortamut** erseqqissaatigisimavaat. KNR atukkanut ernianullu akiliinissaq kinguartissinnaannginnersoq apeqqutigisimavaat, sipaarniartoqaqqissappallu qanoq kinguneqarsinnaanersoq oqaluttuaralagu. Piginnittulli KNR-imut juunimi 2012-imi KNR-imut nalunaarutigaat aningaasatigut ikiuiniarnatik.



SOOQ KNR-EQARPA?

Nunatsinni inuiaqatigiinni tamat oqartussaaqataanerat ikorfartorniarlugu, inuiaqatigiit kalaallit aal-lakaatitassianik siammasissunik, nutaarsiassaqaqtitsinermik, qaammarsaanermik, ilinniartitsiner-mik, eqqumiitsuliornermik aliikkusersuinermillu imaqaqtunik pissaqaqtinnissaat qulakkeerniarlugu KNR innuttaasunik kiffartuussilluni suliffeqaqtittut pisariaqaqtinneqarpoq. KNR-ip killilersugaanani oqarsinnaatitaanermik, tunngavilersuilluarnissamik illuinnaasiunnginnissamillu pingaartitsinissaa inuiaqatigiit pisussaaffeqaqtigaa

KNR-ip, kalaallisut oqaatsivut piorsarsimassuserpullu immikkut pingaartitaralugit, innuttaasut inuiaqatigiinnut tunngasunik pingaarutilinnik ilisimatinneqarnissaat oqallinnissaallu qulakkeeru-suppaa. KNR-itaaq eqqumiitsuliornikkut piorsarsimassutsikkullu pilersitsisarnerup tamatiguus-susiata takussutissaqaqtinneqarnissaa, aallakaatitassianilu inuiaqatigiit kalaallit piorsarsimassut-sikkut soqutigisaasa amerlasuunut sammissusiata ersersinneqarnissaa kissaatigaa.

Tusagassiuuteqarneq ukiuni aggersuni naalaartartut isiginnaartartullu nunarsuarmut tamarmut tusagassiuuteqarfissuit tamatigoortuunissaq pinnagu aliikkutassaqaqtitserusunnerusut qaam-mataasakkut internettikkullu radiokkut tv-kkullu aallakaatitassiaannik amerliartuinnartunik pis-sarsisinnaanerannik sunnigaagaluttuinnassaaq. Aningaasarsiutigalugu aallakaatitassiorfiit taakku aallakaatitassianik assigiiaginnangajattunik amerlasuupilussuarnik, qularnanngitsumillu kalaallit oqaasiinik, piorsarsimassusaannik kinaassusaannillu imaqaqtigivissunik neqerooruteqassapput.

KNR "innuttaasunik kiffartuussisussatut" inuiaqatigiinni piorsarsimassutsikkullu suliassanik, inui-aqatigiit innuttaasunik kiffartuussilluni suliffeqaqtimmit naatsorsuutigisaannik, isumaginnittussatut pilersinneqarsimavoq. KNR-ip innuttaasunik kiffartuussinermi pisussaaffini ilungersuutigalugulu naammasserusuppaa – tamatumunngali nukissat piviusorsioruunngippata ajoraluartumik taman-na naammassineqarsinnaanngilaq. Illuatungaatigut KNR-imi sulisunik ikilisaanerit annertuupilus-suarmik kinguneqartussaapput, tamat oqartussaaqataanerannullu suli nutaajusumut innarliilluni, nutaarsiassammi, qaammarsaaneg aliikkutassaqaqtitsinissarlu, minnerunngitsumillu isornartor-siortumik tusagassiortoqarnissaa pisariaqaqtinneqarmat.

Paasissutissat amerlanerusut uani pissarsiarineqarsinnaapput: 'KNR Innuttaasunut kiffartuussineq pillugu nassuiaat 2011'. Uani aaneqarsinnaavoq: knr.gl/KNR-pillugu.

Inussiarnersumik inuulluaqqusilluta

Hans Peter Poulsen
Siulersuisunut siulittaasoq

Ivalo Egede
Pisortaaneq

